



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 20 Mars 2023

Nr: 182

Ora: 12:00

VENDIM

PËR

**PËR ZGJATJEN E AFATIT TË SHQYRTIMIT ADMINISTRATIV TË DENONCIMIT TË KRYETARIT TË
DEGËS SË PARTISË DEMOKRATIKE ELBASAN NDAJ Z. GLEDIAN LLATJA, KRYETAR I BASHKISË
ELBASAN PËR SHKELJE ADMINISTRATIVE NË KUADËR TË ZGJEDHJEVE PËR ORGANET E
QEVERISJES VENDORE TË DATËS 14 MAJ 2023**

Në mbështetje të neneve 19, pika 1, shkronja “dh”, “f”, dhe “n” e pika 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar dhe nenit 7, pika 3, e vendimit nr. 9, datë 9.4.2021, “Për procedurat e funksionimit dhe mirëmbajtjes së portalit, procedurat dhe afatet e hetimit administrativ të denoncimeve dhe vendimin që merret në përfundim të tyre”, të Komisionit Rregullator në Komisionin Qendror të Zgjedhjeve

KONSTATOJ:

Neni 19, pika 1, shkronjat “dh”, “f” dhe “n” e pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar përcakton kompetencat që ushtron Komisioneri Shtetëror i Zgjedhjeve.

Referuar nenit 7, të ligjit nr. 10279, datë 20.05.2010, “Për kundravajtjet administrative”, kompetenca për konstatimin e kundërvajtjes, me përjashtim të rasteve kur ligji parashikon ndryshe, i takon organit administrativ, përgjegjës për zbatimin e ligjit të posaçëm, titullarit të organit administrativ, që merret me zbatimin e ligjit, në rastet kur ligji nuk shprehet për kompetencën për shqyrtimin e kundërvajtjes dhe nxjerrjen e vendimit përkatës.

Bazuar në përcaktimet e nenit 7, të vendimit nr. 9, datë 9.4.2021, “Për procedurat e funksionimit dhe mirëmbajtjes së portalit, procedurat dhe afatet e hetimit administrativ të denoncimeve dhe vendimin që merret në përfundim të tyre” të Komisionit Rregullator, në Komisionin Qendror të Zgjedhjeve:

Data: 20 Mars 2023

Nr: 182
Ora: 12:00



“Për zgjatjen e afatit të denoncimit të Kryetarit të Degës së Partisë Demokratike Elbasan ndaj z. Gledian Llatja, Kryetar i Bashkisë Elbasan, për shkelje administrative në kuadër të zgjedhjeve për organet e qeverisjes vendore të datës 14 Maj 2023”

- Komisioneri Shtetëror i Zgjedhjeve fillon procedurën administrative dhe hetimin administrativ kryesisht me depozitimin e denoncimit në Portalin e Denoncimeve ose kur ajo mbërrin drejtpërdrejtë në Komisionin Qendror të Zgjedhjeve.
- Afati që ka Komisioni Qendror i Zgjedhjeve për shqyrtimin administrativ të denoncimit është jo më i gjatë se 60 (gjashtëdhjetë) ditë nga paraqitja e tij.
- Afati i parashikuar në pikën 2, të këtij neni mund të zgjatet me vendim me shkrim të Komisionerit Shtetëror të Zgjedhjeve, kur çështja është komplekse ose është e nevojshme kryerja e hetimeve administrative shtesë.

Pranë Komisionit Qendror të Zgjedhjeve, në datën 16.01.2023, në portalin e denoncimeve në faqen zyrtare të KQZ-së, është raportuar denoncim, nëpërmjet të cilit pretendohet se: *“Shkelje e detyrimit ligjor të parashikuar nga neni 92 i Kodit Zgjedhor dhe vendimit nr.9/2020 i Komisionit Rregullator, e kryer prej kryetarit të bashkisë Elbasan z. Gledian Llatja i cili është edhe kandidati potencial i PS Elbasan. Aktivitet politik publik në cilësinë e kryetarit të bashkisë i shpërndarë masivisht në rrjete sociale Facebook/Instagram i cili ka për qëllim propagandimin në kundërshtim me kodin zgjedhor. Bashkëlidhur këtij denoncimi janë dërguar provat link:*

https://fb.watch/i4_14YogF5/

https://fb.watch/i4_14is3/

https://fb.watch/i4_JxXuH8G/

https://fb.watch/i4_K0_GaGt/

<https://www.facebook.com/ljatja.gledian/posts/pfbid02t5wwKdRr5mA52F785kDYvNx3XTS4dxQ9aEs1S5tEv1Pqf4DRreETBuëSHAJ1rve3/>”

Edhe pse ka përfunduar afati 60 (gjashtëdhjetë) ditor i shqyrtimit të këtij denoncimi, hetimi administrativ është ende i papërfunduar, për shkak të kompleksitetit të çështjes objekt shqyrtimi.

PËR KËTO ARSYE:

Bazuar në nenin 19, pika 1, shkronja “dh”, “f”, dhe “n” e pika 2 të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar dhe nenit 7, pika 3, e vendimit nr. 9, datë 9.4.2021, “Për procedurat e funksionimit dhe mirëmbajtjes së portalit, procedurat dhe afatet e hetimit administrativ të denoncimeve dhe vendimin që merret në përfundim të tyre” të Komisionit Rregullator, në Komisionin Qendror të Zgjedhjeve

V E N D O S:

1. Zgjatjen e afatit të shqyrtimit administrativ të denoncimit ndaj Kryetarit të Degës së Partisë Demokratike, ndaj Kryetarit të Bashkisë Elbasan.
2. Rezultatet e këtij vendimi i njoftohen palës nëpërmjet postës elektronike.

Data: 17 Mars 2023

Nr: 176
Ora: 12:00



“Për zgjatjen e afatit të denoncimit të Kryetarit të Degës së Partisë Demokratike Elbasan ndaj z. Gledian Llatja, Kryetar i Bashkisë Elbasan, për shkelje administrative në kuadër të zgjedhjeve për organet e qeverisjes vendore të datës 14 Maj 2023”

3. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
4. Kundër këtij vendimi mund të bëhet ankim në Komisionin e Ankimeve dhe Sanksioneve brenda 3 (tre) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI

Data: 17 Mars 2023

Nr: 176
Ora: 12:00



“Për zgjatjen e afatit të denoncimit të Kryetarit të Degës së Partisë Demokratike Elbasan ndaj z. Gledian Llatja , Kryetar i Bashkisë Elbasan, për shkelje administrative në kuadër të zgjedhjeve për organet e qeverisjes vendore të datës 14 Maj 2023”